



復初齋詩集卷第三十

大興 翁方綱

正三

晉觀稿三

甲辰十一月  
至乙巳五月

錢舜舉畫梅

張涵齋侍讀所藏  
舜舉自題云癸卯早秋寫於新豐舟次  
有危素楊

溥商輅題高題  
正統乙丑四月



習懶齋中晚歲筆百餘年後諸老看却從元貞溯  
景定寥寥羨此風節完橫空不是粉墨點黯慘誰  
識冰雪漫中間盎盎風與氣杖屨動影臨江灘當  
時果為誰寫照孤光靜見心齋蟠吳興王孫同研  
席鷗波亭子空飛湍寫生賦物實自寓知人論世  
良獨難新豐客懷泊舟處癸卯新節溥暑殘孤山

卷三  
一  
處士夢髣髴濛濛月霧橫煙巒此時園辦痕不著

瓏玲萌拆來無端清臞者人淡者樹水光倒浸枝

上寒正統乙丑盛科日三元初得商淳安萬選珠

光正一照吉水陳公充試官商題云是年座師吉水陳先生所贈要與梅

花作詞話恰又癸卯來詩壇宣城秘技富才筆暇

日儵友邀同觀及我詩成已隔歲春風又欲吹羅

紈調羹玉堂好圓夢不比習懶風味酸一聲玉笛

凍雲破雪花如掌飛雕欄

秋史所藏趙文敏四札卷四首

江東羊薄意誰傳春到元貞至大年多少水光山

翠氣區區釵劃計奩田見婦奩田帖

四六哥還五七哥小園菜麥近如何老翁苦憶江

南竹不是專心辦食籬竹絲暖合帖

陶令賢愚懷自繫杜陵家事世爭傳從來但賞官

奴帖借問何如保母甄示奕帖

鹿頭舫子唱吳歌如此湘斑瘦影何風暖日陰湖

水碧倩誰畫出趙鷗波乞竹栽帖

元宣課所銅權歌文曰真定河所宣課所押

東丹王孫美長髯十路稅起絲粟鹽南臨杭京北

取汴竈戶始自庚寅添當時中原算撲買額籍掌

記煩郵籤大都提領二十五歲課腹裏規制嚴厥

初未造中統鈔商人勞苦惠已霑滄始計九萬袋

撲

著

併於河間真定兼運司本屬課使所稱鍾亦花  
 押簽官頒著式比符信國書深鑿如印鈴六觚上  
 下分面側鈞斤程度窮豪纖即瑛曾溯至大記尺  
 素誰握圭與廉奎章學士作序錄道園老子同官  
 占寥寥數語綜賦典章全快誰窺規鄙人有意竊  
 綴緝十載前憶搜細縑什不得一徒擱筆寸銅奚  
 足書案拈十七路圖亦散佚焦氏經籍志有十七路轉運司圖一卷 跋亦  
 字但摹尖鈔畿南驛埃土花錄記我暑雨披憲靈

曉嵐少司馬充武會試知貢舉兵部郎憚  
 君執事闈中仿南田法為寫春風桃李圖  
 曉嵐題云桃李何曾屬老夫隔牆花影枉

冊三首

描摹春風還幸曾相識權當先生為補圖  
 蓋曉嵐今春典會試也屬題三首

到處成蹊筆有神粉垣鳥語記前因東園嘉樹三  
 春後又近新陽報小春

薄暖輕陰泥玉欄着花容易養花難良工心苦惡  
 誰畫月落參橫到夜闌

抹紫批藍色色妍棘闈畫爭少人傳錢兄張丈蘭  
 蕪竹舊夢迴思廿五年同考官例用藍筆因憶庚辰春與曉嵐會題鏡壺揮石畫卷事

再題夫子亭四二首寄未谷

畫山何必定山人詩老詩亭境未真若向長山尋  
 問未焦峽石路是知津詩亭在濟寧見漁洋蠶尾集詩自注時未谷司訓長山也長山

君為漁洋表落箋我因次律悟琴絃載書補得鴻  
臚筆古樹斜陽笠子圓

題石鐘山歸棹圖送周載軒編脩假歸湖  
口二首

十二年來夢三千里外心花應歸後發雪自臘前  
深月滿娛觴綵雲低載酒襟鶴南飛一曲不是石  
鐘音

年來植桃李此去護松筠館閣思經歲家園住二  
旬九華增氣色五老更精神雅頌須君手蓬瀛又  
早春

寄祝心餘六十壽二首瘦同穀人同賦

讀君左筆詩磊落興有神寄言翁張吳餞廷憶三  
人張吳舊同學余忝同年親宜獨館閣交實共性  
情真今宵與二子往事試重陳浮名與驕榮洗盡  
塵塵因悟彼觀妙微蒼然見松筠華陽笙鶴語已  
盧清淨身乃知氣充實中有太古春持此蘭臭言  
寄之梅雪辰幽幽藏園居浩浩章江津飛觴三三  
徑高詠八八民

張兄說席邱壽君作二十吟君渡江句波痕紙猶  
溼歸舟酒醒後安穩理篙楫  
心餘有歸舟酒醒  
歸舟安穩二圖君時氣  
方感北上祛初執同年余末坐對君每聳立電轉

卷三  
三  
刪二首

三十年還夢集齋集香樹九十翁孰共親負笈涪  
翁道園後惟君弗蹈襲神光今炯炯宜早自以拾  
要貴可傳後不在多篇什幾箇老弟兄千里為編  
輯何減南浦觴已似西江吸

瘦同檢示心餘舊作次韻題後兼呈穀人

報箋日日煩小昏我心已到離垢居豈有斯人詩  
與筆區別館閣還林間我誦其詩歲辛未髫齡甫  
事箋蟲魚嘉興宮傳極我許宜與數子相吻濡山  
東之宋緣浙江康祝豫家有和璧人隋珠尔時擇  
石已在坐尚未讀書同石渠我聆蔣子譽滿耳雖  
則同舉迹尚疎宮傳兩主江右試謂此逸氣今相

如丁丑蔣子詞館入迴思同舉十載餘步趨承

明職編校文或聰榻晨追輿每從酒酣看落筆驚  
跨駮駟凌變驪我守一經不敢肆慚對滄海量沮

如忽忽廿年江粵隔玉堂唱女重和予我評北朱  
與南蔣味謂才力則一流別殊惜哉朱兄志弗克

秋駕孰與蔣子俱我凌章江望廬阜香爐未得青  
筇扶夢思臨川皖公谷此句臨川謂王半山三洪二謝聯襟裾

中間豪芒較得失寸心馳騁勞卷舒紫薇之園安  
足道杜陵門運須耘鋤百家騰蹕必一貫萬古莽

蒼誰吾徒嘗讀豫章手刻記建康錄用金鎔鞞歸大監解  
詰嘗擇到仕史銀規樣準羔裘袂後來西江一家

派未免儉。得傷清癯。我獨辦香道園叟。誰同結軫。  
心相於冰肌密理。貌不得未要。但賞鏘瓊琚。嗚呼。  
數公去遠矣。又值蔣子吟歸。故古人詣到不留訣。  
所贖筆陣良區區。南望大江渺天際。敷淺原澤空。  
寒洪晴窓對論測。莫以匠巧矜般輸。守駿者。  
跛巧者拙尋尺。未可分賢愚。梅花燭影夢蔣子天。  
人百億同一軀。翰林舍人更有約計。日來拜蘇濟。  
蘇先題蔣軸。祝蔣語分寧。黃共臨川虞。  
題宋戶口冊紙所拓聖教序三首

不同岫嵒捫樵逕。誰信銀河積衆星。夾雪墨池添  
故事粉紋。竟欲傲蘭亭。

前人艸率後人珍。官紙椎來摺疊塵。若問半珠兼  
滿字。恒河印度果何因。  
嘗聞有練必先書。擊掃分明。聖帚餘乞得。右軍批  
牒尾料量。斐几定何如。

江秋史得趙文敏墨迹云。青衫白髮老。恭  
軍旋糶黃梁買酒樽。但得有錢留客醉也。  
勝騎馬倚人門。余最愛此詩。頻頻書之。以  
自適意耳。子昂凡四十字。半為人描壞。  
不復成字。予為審擇存廿五字。題曰完璧  
帖而歸之。因題其後。

完璧歸于道。生花夢自江。千秋吟買酒。幾夕剔寒

釭曲折圖以繡橫斜榻就窓似聞苔雪上搖却韻

吳艘此詩亦德清盧政議作

秋史置酒招芝山同賞趙帖且云欲以歸  
予因用帖中詩韻再題其後

驪珠廿五成聯璧五百年來酌一尊落水趙家真  
帖在繇齋雪又滿柴門

題曾慕堂所藏傅青主父子詩畫卷三首

山光水性風雲氣領略推車賣藥時多事糾紛題  
艸篆蒼然即目是真詩

詩說河東子曾子墨綵果到紫藤軒枯林飛瀑似  
曾識來與先生相對言

我仿華陽塵鶴書遺山題字夢何如蘇門一嘯大  
風雨絕壁空青落墨初

予既裝趙帖後有餘紙宋芝山為畫鷗波  
酒舫圖作歌題後

練

參軍一醉乃得官詩人恠底一醉難吳興王孫  
堂客不應亦染詩人酸鷗波亭上送飛鵠青天倒  
影搖西欄吳歌聲出漁蓬外練衣想帶山雨寒秋  
風蕭蕭韻深竹斜陽展入溪光看微酣指畫向空  
際中鋒頓折生屈蟠居然妍姿不流宕神來忽落  
毫楮端百年前記買花曲西湖陌上扶醉殘三孫  
書此凡幾度綠楊紅杏臨飛湍江山契濶借酒意



豈必苔雲正臨安至今蠹紙餘半簡費我邀客裁  
羅紉宋生不習西吳語亦夢茶竈來江灘顛公詩  
句憶盧老蕭索野興同姚寬松雪所書一詩是北宋盧秉作王荆公愛此詩因薦於朝  
見吟窓雜錄并西溪叢語蘭亭繭紙戢山扇不聞補綴重神完何  
時更摹吳興像湖光照出顏渥丹落月分明挂我  
屋急起追寫墨未乾酒星飛空火如斗斜河耿耿  
橫闌干

宋石門畫坡公像自題八十一翁萬曆辛丑孟春日書寫

去年朱畫臨龍眠今得宋畫誰辨聽八十一翁歲  
辛丑又先朱畫十八年笠屐雖因僭耳作拄杖想  
自黃州傳黃州雪堂坡像橫按筇杖見蘇翁入蜀記眉宇不殊氣更逸飄髯

倍覺神蒼然目光炯炯似却顧停雲空碧極海天  
千山一髮鴻飛處萬里浩浩凌輕煙當時意思誰  
領得少霞季孟非言詮石門居士尔奚悟雨雪獨  
立春江船及山詩杜社題壁罷闌思趙左來後先筇  
枝風袖非筆力是有真宰仙乎仙散髮騎鯨乃造  
極龜堂畫品恐太偏即此農家芟荷服來饗斗室  
蔬菜莛尺幅中間萬古寄明月照見千燈圓紙上  
空光定中起破琴宋迪追何緣頗聞石門畫有自  
蒲褐契入三昧禪今我空齋渺何有枯林瘦蔓霜  
雪纏龍眠真迹儻猶在或肯飛下春燈邊笑以區  
區強分別銀潢滄海同一川

題受堂志畊園即送其教授保定

畊田可圍也志則奚以圍五十宦無田嗟我與子  
俱子今官上谷涇水瀾水區我替涇水客倚谿侶  
樵漁驚荒穀不分夢想悔有餘子席父祖業帶經  
力為儒薊彼丁家庄近在丙舍廬瀕行八口計不  
獨為饑驅老兄與弱弟依依涿城隅款款根本言  
行行誠妻孥諸生還問字諸子還課書去涿纔百  
里何減家園居積累踐先訓詩禮日耘耨學也耕  
在中奚止於志欵篝燈話小齋兒女慰勤劬研田  
啓翠壑桐陰擁青蕪月下三人語陸子復同車何  
日證息壤把酒增踟躕

諸城縣東坡題名石刻

禹功傳道明井子瞻遊凡  
九字隸書胡書巢太守桂

未谷詞訓同時

坡公十載東州役置酒高臺感陳迹捫苔重讀詩  
賦時落日孤雲眩金碧記來歲在龍蛇間更溯前  
年記遊歷廣文太守皆依舊授祭緇衣定常憶當  
初樂飲四子俱岸幘浩歌時倚石飛橋不借車子  
厚低唱誰憐趙成伯麤裳醜婦且解嘲叻鹿生鷺  
未將角廬山唱鼎凡幾日馬耳寒煙對晨夕一卷  
略具岡巒勢九字森然拓鋒戟將軍醉尉兩不知  
膠西南閩執主客先生署名自居後吸月一光  
滿席後來蘇書磨欲盡獨以隸體蒙見匿新城老

人始表出谷渚藏來有誰識何遠春渚紀聞先生畫後作漢隸書于瞻禹功同觀

漢唐分法存一綫競測圓方較肥瘠豈知中心浩

氣存百鍊剛來作努趨蘇齋雪後拜生日正摹此

字於齋壁凌畫四賢同一幀東武北臺如咫尺我

聞蕭家一字在腕力千鈞百金直安得拓取額我

楮殘石泥沙借人剔寄書太守并廣文吾儕相對

今猶昔蘇書起然臺三大字石刻今惟一超字在耳

王蓬心太守為其弟秋樵畫邯鄲呂翁詞

詩意

一杵疎鐘隔壑聞蒼蒼古木澹斜曛此園元為騎

驢客不向荒堦寫斷雲

雪中王若農合招同田芝田貝穀人田

師修瘦同舍人集接葉亭得初字即送

若農之官桂林看

白戰筵開畫不如君畫裏展行車好詩勝飲千

鐘祿遠宦惟携百本書桂嶺客來寒盡處梅花八

對雪飛初十圖詠後蘭陔續合偕周家老屋居若農

徽同人分賦十園詩以壽其尊甫今將之桂林欲借芝田家宅子也

分賦夾涪州堂為怪齋王翁壽

侑公一觴祝歌我莆中春言懷溪東屋俎豆溪西

民堂基儼肅肅涪水猶粼粼對彼日月井薦以溪

毛醇院以金石名篆刻碧嶙峋宋傳待制輯篆風水敲金憂石四字

所敷憂天復助奔淪七音與六書馬悟鍾律均先  
生洞清識儻獲聽觀真先生於班韓平生極苦辛  
鄭君殫輿論六藝靡不陳頗疑禮樂志沿革費訛  
詢豈比崇文目叙錄煩斷斷昌黎畫記筆何取仿  
樂人必若究史體然後通經神昔見艸堂研因得研昔  
有夾漆艸堂四字新建表文連得之遺字猶未湮矧觀艸堂  
今在紀曉嵐侍郎齋昔年曾為作歌

歎人洪石  
農為作圖

趙貢甫寄杖圍二首

紫峯家蓄百莖杖客乞僅餘三五莖今日封題憐  
子舍望雲馳寄自春城開歲六日  
上賜千叟宴宴者三千人人賜一杖

刪二首

而貢甫寄母杖  
適際茲辰也

聖人錫福延千叟慈母開函進一觥此杖恰逢此  
慶歲百莖合讓此莖榮

趙生名利不關身獨以康強祝老親侍饌斑衣千  
里夢看花鶴髮百年人扶持歲久應同壽倚藉心  
堅未是負冉冉孤生蕪九節誰如直幹寫天真

題宋高宗臨褚蘭亭石本二首

蘭亭子固緣曾結多屬媒勞姓孟人押尾誰知樗

史字抵他絹本更嶙峋末有樗史二字并高宗御押故  
用石刻鋪叙所載向子固本事

褚派元同歐派方唐摹宋刻果奚傷瑤臺獨倚蟬

娟影潁井何煩傲洛陽洛陽宮賜高士  
康本亦褚臨也

刪二首

方坳堂中送花四種賦謝

花風信到小除前，記得懷人又隔年。平子四愁侵夜半，郎中三影泥秋千。紙窗黯黯蒸紅雪，茶夢霏霏點綠煙。何處一聲飛玉笛，嶺雲依舊落江船。

元日

太和殿侍班 以下乙巳

王春玉燭麗璇杓，初倚紅雲上慶霄。班領奎童三

學士坐依舜，陛九簫韶 賜坐賜茶在殿簷左翼鼓縣間學士六人時三人出使 恭逢

五福綸開表 上以御極五十年頌恩詔十六條 即見千筵酒頌林 初六日賜千叟宴

茗葉浮杯似喜氣，侍臣霑飲露瀼蕭。

題退翁和尚李西厓竹詩跋後二首

徐枋聯榻又徐波，如許浪浪暮雨何。百二十年前

度夢春陰一點在梅柯 跋云乙巳正月雨浪浪梅未放

道人那必住靈巖，竹外分明遠思緘。知合蘓齋補

圖盡隔欄青峭寫春帆。

送負穀人歸修假歸杭州二首

今日詩家秀詞林，共爾推長離。凌碧海，明月下金

罍。十載奎躔合三春，柳浪開濛濛。酒痕在煙舫，舊

青苔 夢烟舫穀人齋名

湖上論耆宿，江船感玉琴。柴門新雨足，老屋落花

深。日下羣相待，天涯證此心。秦雲將薊樹，好在寫

知音 穀人將以秋初入關

空格

平提

唐阿育王寺常住田碑元是徐嶠之書今石是大和七年范的書也予得舊榻本裝潢者割去范必詭為徐書因從秋史假其尊人哇所藏本證是范碑而其捐特精何必冒徐邪次和碑尾于季友范的唱鼎二詩韻兼報蔗哇喬梓

書於秀得雄碑豈讓徐公握槩懷真逸扁舟禮梵宮石華蘭渚外雲氣剡源中一滴山陰乳霞標早

建紅

載酒媿揚雄琳琅富充公始知真聖教該得米南宮峻拔迴鸞處淋漓溼翠中會稽名父子重覲礪

花紅

迴鸞顧昔人評徐會稽書語

鈍夫置酒送鎮堂之濟南席上次鎮堂和  
蘊齋二詩韻

借酒澆行色天涯有贈篇不知春夜雪何似剡溪船爨自勞薪得人如對榻然所無慙俯仰耕研以為田

勗尔韋編索憐予石墨磨時乎心每惕勞者事堪歌璞玉元同抱他山莫戢磋須知相煦沫不是怨蹉跎

十五日

正大光明殿侍讌

燈簇層霄作上元雲濃九奏暢鈞天承

恩讌繼三千寔珥筆人來廿五年寶甕露團珎餌

遍上以金盃賜食玉漿春注

壽杯圓御香分得

天顏喜散作人間百福筵

恭和

御製上丁

釋奠後臨新建辟雍講學得近體四首元韻

躬行本在

訓詞先道統丕承億萬年申以鼓鐘欽儼若揭諸

日月義昭然大中規向橋門啟百福環如璧水圓

義畫文謨同揆處精微合符

聖人宣

周雅雖開溯豐鎬中天

今正觀唐虞五倫法則賅千品六畫經綸貫萬殊

疊疊性功皆義疏皇皇

天語訓師儒始知誠至原無息故止源頭信不誣

是日講大學為人君止於仁為人臣止於敬為人子止於孝為人父止於慈與國人文止於信周易天行健君子以自強不息

講殿豐碑

訓諭詳芝栢玉砥啓中唐四周水鏡交激澈五色

雲霞照煒煌芭藻澤濃春二月菁莪人列百千行

欽時

錫福均霑渥葵藿

恩深揔向陽

昌辰千載一時逢

盛事園橋紀

上雍凜

訓還加矢忠孝書紳不止肅儀容官先職務勤無  
怠士勵居諸業敢慵槐栢日長

宸藻映

宮牆循處倍虔恭

薛文清公研歌為曉楓少詹賦

下題云余四人以有事至了因遊杜工部院花溪上之州堂過  
遇仙橋憇青羊宮見茲研歌之遂售以歸仍取于美句志之河

津薛瑄李匡張  
固羅俊同鑒賞

紫衣仙人踏空碧夢瀉銀河化為石天風吹墮長  
嘯聲三峽蛟龍吞不得山木冥冥子規叫江濤怒  
捲苔花積青羊道士何許來前身儻是金庭客浣  
花州堂定好在侍御遺蹤緬詩伯十手雷電吐光  
芒百花滄浪出津液河津夫子菘蕪艸道氣溫溫  
寫胸臆正是黔江替餉時殘暑瀘川感今昔上疏  
乞歸對良友鬢髮蒼蒼慨行役平生讀書所得處  
要試谿潭水一滴守心如瓶樣孰傳萬里之行言  
不食西江東浙三名士對面摩挲如舊識曉楓今  
日共覃溪何減同遊少陵宅萬古風林雨檻間幾



度茶鷗篆煙憶河汾門下多著錄磨墨從茲來賞  
析新詩欲寫蜀錦紅舊譜漫珍蕉葉白

予既和吉渭石六客詩其明年春二月十  
二日與渭厓邁亭莘田西齋晴溪小集邁  
亭旅寓復次前韻以贈莘田二首

我構蘇齋續筆談詞場誰記昔同驂年來客共晨  
星感老去君猶舊雨耽房瑄三生何處悟此白謂碩謂沙向  
平五岳幾時探此白謂陳漁湖願初入夢陳初別合付松窓

大白酣

八詠東陽舊有名千鈞句重一官輕莘床往日茶  
烟在墨竹蟠雲腕力爭此白謂香鷗評免褐囊餘四

夢

硯拭龍睛懷人莫故榆此白謂漂蕩春來激滯觥義

山詩今日春光太深  
謝家輕絮沈郎錢

邁亭席上再疊前韻二首送莘田歸杭州

依然剪燭話城南雪後難留戶外駭鸞嘯有心追  
阮籍鶴飛何意控蘇耽莫辭窠石殘鱗鮫且鬪牙  
籌窄韻探主客今宵陪沈范杏花春雨又紅酣  
詩卷何須蜀道名臨安雨霽葉舟輕人歸雁後心  
逾遠夢與鷗閑境不爭山翠染將螺子色湖光點  
出美人睛南池故事憑君續讀杜神來酌一觥在

梓州曾勒杜詩于祠壁故用君家  
掛園先生葦南池杜祠事為比

題莘田六如圖二首

一醉能消六賊根湛然無物道之門倪迂絕聽從  
何起請對高松瘦竹論倪元鎮號絕聽子

前惟玉局鶯城客東坡惠州亭名六如後有吳門夢墨亭唐子畏號六如

空洞九霞時一笑他年相見眼俱青

予庚子春得化度寺碑宋拓真本不逾旬

得一翻本紙墨亦舊即送予所得之真本

出者位置斷泐皆不小差有雷溪馬長海

題跋去冬為門人陳觀樓宮賞借者觀樓

寓齋失火焚去今春購得明吳門章仲玉

墨池堂殘本則即此本也乃知仲玉從予

所藏本摹得之耳玉以書法鑒賞世其

家學審定有緒非季不無訛處而刻工

拓手皆非近人所及今所購殘本用明朝

坊本蒙求零葉襯標亦百年前物矣重感

雷溪薦好之緣亦以見今日墨池再四重

僅之失復用後村韻題之二首

二百年前搨幾行章家油素未淪止權場晉法分

明在卷眼非因馬糞忙章氏翻刻於萬曆三十四年去今百八十年仲玉遺於弇州之門其所刻

墨池帖多是弇州藏物然此帖實非弇州家本也予昨辨大觀帖弇州跋本故云爾

墨池已是不全行聊為雷溪作補止圓相豈師真

舍利定光籠罩未須忙

龔半千畫寒山像

長廊底事樺皮冠獨立空山雪不寒柴丈人家定  
林壁叟叟何處覓豐干

運生所藏邳洪字畫卷予舊嘗題長句於  
後今復携來都瘦同賦二絕句為荏谷魚  
門志感持來索和因次其韻

秃筆欹斜墜宋元茗爐清福想東園可憐程安金  
陵句風雨空江寫夢魂

滿字居金陵東園之節霞閣魚門亦欲卜居金陵也

前年臘雪拜蘇髯淡月痕猶挂素纈今日春陰太  
無那催詩雨又隔疎簾

泰山秦篆殘石本為顏運生題

秦篆二百廿二字一石四北轉南大夫松下避

雨霰終古雲氣橫層嶼何人陟岱頂學易老  
子古所耽譜云一百四十六比于歐宋文無慙廣  
川跋或誤考据甲秀帖乃完籤函吳同春記已半  
闕碧霞宮廡留一龕北平許君泐名氏尚獵岱史  
知窮探四十年来石既燼重儻傳刻訛不堪吾嘗  
以證繹山石琅邪之采相互參去年又見會稽篆  
申屠駟本青出藍許慎所稽秦篆勢陽冰未許齊  
驂驪琅邪片石雖尚在已蔽榛莽深煙嵐此榻今  
能幾家有寶之勿使囊生蟬吾欲仿為劉氏譜廬  
山陳釋義久諳周鼓而下即秦刻汝帖越帖援兩  
三他年買石究端委從君乞借非饒貧北平人儻

許再記汝陽序述寧空談濛濛潤氣觸石出虹光  
吐薤如春蠶

文淵閣曝書

芹藻香猶集佩紳二月雨餘松石更清新十年卷  
帙摩挲地上已風光澹蕩辰綵樹鶯聲來有信紅  
窓塵拂淨無塵午陰小立長廊下細數年時唱和  
人

塵鶴銘

焦山西麓山樵銘墮江漫出覆以亭胎禽化去一  
千載徒留文字生畦町蝸牛廬舍自枯寐換鴛品  
目驚雷霆舊館堙碑畫瓦華陽手迹通仙靈逋

翁之薏既傳會松陵時

迷庭

近人或云皮襲  
美作尤非也

金山

早有唐庾本不獨軼事垂圖經跋詞最著黃與董  
日叩真宰開重扃靈文尚閱鮫鱷窟世間已自輝  
日星滄洲太守好事者緇石勢若新發矸却想寒  
冬水涸日蛇行鱗步搥岭嵒神物居然到几案青  
田宛尔來儀形獨惜後來鑿渾沌反遜片石鐫海  
寧我昔敝簾搜五紙小字隱隱餘畸零王瓚依稀  
援舊什張弢尚未買短舫今獲滄洲初拓本五緯  
合聚粘窓櫺鋒稜雖可氣逾出沙石所漱煤猶馨  
淋漓莽蒼障子溼海天浩渺來雲駟大江東下浪  
痕在長嘯欲起魚龍聽我與張弢同快意所少冒

雪穿枯萍不信宋人刻能補今者媧石蹤已冥柳  
公砥柱要重寫隱居信本同樵型六朝筆法雜篆  
隸四辟屹若臨滄漠巾箱縮本肖已屢絳霄萬里  
乞一翎香雲冉冉撲衣袂夢攬浮玉犀山青

再題塵鶴銘八首

蕭疎簡遠神仙字誰識中間朴氣存接武黃庭惟  
化度山陰法乳要深論

墨池疲役日塵勞耿耿星辰照戶高記得得栖霞峰  
頂望微蓋一點海門濤

法芝米芾仲宣同時對山雲北固通想誦銘詞望

東海藍輿浩浩響天風仲宣法芝米芾元祐辛未孟夏現  
言此十六字在北固

**跋**

魯南恨失水中金樊榭靈論五百年日日醉僧來

把帚慢亭作記已茫然

周慢亭言近時拓本  
皆焦山醉僧所描者

分明五石是全身宋補三行語未真米芾吳琚題  
記在可能髣髴六朝人

世惠無專釋未詳小齋夢寐挹江光幾時携得元

暉卷一碧松寥閣上望

子嘗題小米雲山圖及五洲  
烟雨卷輒有焦巖之想

茅山碑作扁歐書內史清真信有諸昨見黃庭肥  
拓本憬然大字勒厓初

似歌反正勢全收蠶蠟年來太謬悠寄語丹楊前

太守隨人且莫怨滄洲

謂謝靈運山也

讀李端林集知予所藏化度寺碑是北宋  
拓本也題此二首

范家石碎不成行南渡初年石已止跋到姑溪始  
拈出向來空為趙歐忙

紙紋斷續驗分行屢以祛疑當補止但得西涯題

冊見辨真那惜百回忙昨又以紙接痕辨馬半槎所藏宋拓本之非真也携李郁氏所記一本

李長沙篆題者

清河道中懷西涯舊址

曉出北安門惆悵春蕪綠陰陰日光淡湛湛雨氣  
蓄遠近城堞間沿洄縱遊目密樹翠初染橫峰淨  
如沫往者圖法華曰之洎懷麓髣髴靈巖僧梅信

來詩軸何時北郭溪問訊在以竹聽鐘橋外雲繫

馬邨邊屋

題陳白室脩禿圓便面

東吳陳林裸墨嗣蘭渚芬胡不襲陳迹而若感前  
欣密竹風脩脩清湍瀨泔泔欲託戟山扇以寫羊  
欣展碩生邀我題雪繭想鷺羣落落取大意何必  
攬斯文是日話蘇齋暗窓倚桃蕢浣筆春雨綠亦  
弗仿右軍碧空淡無際悵望東南雲

三月廿九日奏事○清漪園

別館新晴曙剛逢奏雨來是日順天府尹奏得雨二寸許廊深湖水遶

逕轉甕山開日泛金霞影天浮碧玉小山侍臣○

賜食罷卅載記蓬萊

癸酉夏來此

次瘦同舍人韻題顧蘆汀所藏文衡山縮

臨蘭亭即送蘆汀歸濟寧二首

瘦同稷帖評肥瘦似我神追繭紙新今夜東吳顧  
文學船窓應夢永和人

君居濟上憶江湖題扇書展興不孤試寫春陰寄

黃九流觴圖後別碑圖

適為蘆汀題陳白室脩稷圖扇  
因寄語小松共謀刻范巨卿碑也

蔣心餘輓詩二首

三年一夢駕尻輪鑑井躋躒倍有神曾與江山牽  
夙諾自將詩句洗前塵替豪偶尔遊蓬島散髮依  
然跨紫鱗中几空齋接雲海到頭離垢屬何人

匡廬夜燭斗杓橫半嶺无風識嘯聲何處更能看  
劍氣此才豈僅主蓉城吼聞師子窮諸相笑却熊  
羆只淨名公自戲人渾未死下方小語漫雷驚

臥佛寺

四月十四日

松  
曉氣衆巖合趨班切層穹循墀帶澗水陟巖冠雲

帝車臨寶坊玉殿鏘金鐘娑羅覆畫圍花葉正青  
葱慈恩寫成式楚州書李邕豈如

道光積日渥膏露濃諸天助喁籟石翠蒸青空四  
山乳泉下濕霧交濛濛未暇訪退谷夏約山櫻紅

題錢林寶畫扇

臨江州屋如懸磬洗研蒸香故友來門外渙舟穿  
樹影好風一道白蘋開

四月廿三日自西苑歸沿北安門城隅有  
懷西涯舊址用湯西厓韻

驅車閑遠水東頭半日居然盡裏遊無漫風漪臨  
古寺尚餘菰芡媚春流暮雲淺渚憑猶昨斜照空  
煙澹不次欲倩補園重考記柳灣響牖近鐘樓

予云小松得朱龜碑舊本摹其數字見寄  
碑在亳州江氏喬梓思一見而不可得者  
不可不使秋史作跋也予因為秋史摹此  
并系以詩



